



農巖集

三

詩

共十八

~ 16
2442
3



和
2442
18-3

農巖集卷之五目錄



詩

春帖二首

子益來宿有詩次之

入城投宿仲裕家要洪生世泰與語

次洪生韻

次權生亨萬韻

又次律詩二首

又和心字三首

淑微公主挽四首

道以自書院入城口號以贈

還山路中

到農巖

次季愚韻

道以徐宗集來訪與游川上道以有詩次之

觀釣二首

清泠瀨壘人字

次道以韻

同諸生流觴鱖魚時小樓新成

同諸生尋白雲寺過桃李坪次劍南韻

仙游潭壘前韻

路逢寺僧

次崇兒韻二首

曹溪

次道以韻

送道以徐生出山

送二生夜坐有懷二首

敬次伯父題壁韻二首

又次前冬下屬韻

伯父許過臨有日而不至輒次乙亥題壁韻

閏三月初六日記事

清冷瀨新樓書興

觀耕

別農巖

入道峰

待友

十五日率諸生詣廟焚香次崇兒韻

次崇兒韻

次崇兒韻

次道以韻

川上夜飲得霄字共賦

夜飲舞雩壇行旅酬禮以空山無人水流花開

分韻得空字

諸友將以次出山臨溪酌酒用唐人韻共賦

臨別口號

黃遠伯 江搨見盆梅有感

過索笑菴

共趨子直登漁舟子直有詩次之

沈監司 權挽

成川尹使君仲綱 世紀將行授簡求別語且寄

一壺酒賦贈 二首

李判書美叔 秀彦 挽

沈玄玉 玄 委在江榭聯枕晤語臨別索詩甚勤

口占以贈

往棲水鍾寺

十五夜與諸生會坐隨意誦古詩明白各賦絕

句記之 八首

十五夜東臺與諸生臨眺

夜坐有吟寄書院諸生

敬次伯父下示韻 二首

宗嫂柳孺人挽

吳上舍啓休 玄錫 千里命駕託以兩郎臨去索

詩次林德涵韻以贈

吳君與德涵交好甚密數數道及歎惜不已見

誦一絕雖甚寂寥猶想見其過從留連之意

聊賦小詩見意

九日與諸生攜酒登高 二首

效劍南

次劍南新京夜坐韻

又次東隣築舍韻

九月十二曉

次劍南山房韻

又次野渡韻

肇天來宿朝起共次子益前日留題韻

十八日即事 三首

詠小菊蛺蝶

入道峰

次崇兒韻

夜宿光風堂感懷

朝起有雪

枕流堂夜坐共賦深字 二首

士敬贈盆梅有詩次韻以報 四首

甲串有感

賦梅用疎影橫斜水清淺為韻 七首

子益來宿曉起有詩次之

梅花就謝而月始向明感而有作

臘月十五夜即事

淮陽使君俞道叔 信一 臨行枉顧江舍歸後又

寄詩為別追步見意 二首

大雪後子益來會共賦臯字 二首

次子益韻

十八夜

子益過廣津黃氏亭有感懷二律寄示和之首

除夕詠所見

除夕次東坡簡齋劍南牧齋韻 四首



農巖集卷之五

詩

春帖 丁二

樓上芸編永晝開
絲竿懶向釣魚臺
春苔滿地何人
破時有青衿問字來

其二

冰破江門暖不遲
荻芽蒲笋欲離離
中洲無數新浮
鴨春興還須共爾知

子益來宿有詩次之

弟兄相對樂怡怡
簾閣懸燈坐夜遲
一席講評皆格

外梅花香韻白沙詩落句實事也白

入城投宿仲裕家要洪生世泰與語

洛陽三尺雪春後猶埋屋吾弟兩版門終日無車轂
歡我今夕來延入秉明燭室中更無物蕭然言數軸
脫裘護寒梅此意良不俗古幹蹙蒼虬秀枝削青玉
枝頭數蓓蕾未破已馥郁先天藹真意一氣含冲淑
卽此勝紛披未要相催促呼酒與煖熱銅壺漱微綠
未可無詩人有來自北豈高唱發陽春二歎未易屬
吟餘見橫參危坐轉清穆更爲來夜期春酒可能續

次洪生韻

吾衰自逃世人道似於陵釣艇金臺雪書龕石室燈
經過偶城郭信宿爲親朋寂寞詩壇事慚君問代興

次權生亨萬韻

灌園久息漢陰機捨瑟長懷曾點沂寄語青青衿珮
子百年心事要同歸

又次律詩

吾老君當戒難追少壯時心源未息浪道域豈窺籬
習後鷹方擊傷餘虎始知臨分欲何贈淇景有前詩

其二

書樓罷晨讀吟望獨多時曲沼三垂柳遙村數掩籬

身處集
山晴啼鳥悅江暖浴鳧知已欲無言久因君又賦詩
又和心字

聖賢千語只求心終古相傳無別心最怕見時猶未
的錯將私已認真心

其二

衆慾交攻一箇心誰人不喪本來心斧斤山木猶萌
葉試向平朝看此心

其三

姚姁當年授受心炯如寒月照潭心分明精一無餘
法莫遺人心間道心

淑微公主挽

聖祖周南化自家允宮當日詠穠華風流都屬神仙
近簫史秦樓未足誇

其二

帝女叢筠血淚長幾年瑤瑟怨瀟湘桐陰鴛鴦無零
羽思子臺高更斷腸

其三

薤露歌悲舞鶴前雲旆曉上北邙所不知靈匹重泉
夜可似雙星會漢年

其四

次第宮官護券來禮隆尊屬極榮哀他時沁水魏花
徧應憶前春 御蹕廻

道以自書院入城口號以贈

雪盡春江綠映沙湖亭別意悵年華天機變索何曾
息世事紛紛未有涯閑處須君明著眼名場自昔易
生漫向來此道商量以今日臨分意更加

還山路中

老去形全瘦無妨跨弱驢隨身一領被裝囊數編書
紅入山花少青生野燒餘歸歟亦何事只是愛吾廬
到農巖

投老山林自往回何曾麋鹿妄驚猜下驢便繞新池
水覓杖先尋舊釣臺菖葉欲生農已起柳枝纔挿雨
隨來不妨花事今春晚正待吾行續續開

次李愚韻

還山無日不閒行白石清泉到處明野友詩筒非俗
事隣僧菜把見人情魚迎穀雨鱗鱗上鳥醉花晨滑
滑鳴頗恠陶潛稱遠道却將時物感吾生

道以徐宗采來訪與游川上道以有詩次之

花發空山不見人白雲終日只相親濠梁正好論魚
樂喜爾能來穀雨辰

是日曾穀雨

觀釣

篲篲長竿倚釣臺一溪魚隊共磨颺
深潭老鯪難當見香餌前頭冉冉來

其二

自信機心久已平偶因觀釣却萌生
素琴早是無絃在幾被傍人恠殺聲

一作有
一作問

清冷灑疊人字

可但冠童若箇人禽魚麋鹿摠朋親
春光不盡沂雩後分付吾儕樂此辰

次道以韻

雲水嚶嚶鳥春潭發發魚天機取次會於此
欲忘書

同諸生流觴奕魚會者凡七人時小樓新成

同人何自遠相求正值吾成松下樓
三月風光七春服百年心事一虛舟
詩題白石看看徧酒逐清湍冉冉流
魚膾藥苗還不乏可能隨意作淹留

同諸生尋白雲寺過桃李坪次劍南韻

水襲山重一路通桃坪籬落翳新紅
不綠隣社常來往應恐神仙住此中

恐一
作詞

仙游潭疊前韻

清湍曲曲自回通側石幽花數瓣紅
不管招提路多

少題詩且坐水聲中

路逢寺僧

三尺驢兒一幅巾芒鞋隨後數門人
白雲深處山僧出邂逅相驚畫裏身

次崇兒韻

世外雲泉自在清十年來徃鬢毛明白
蓮菴下讀書處每憶曉窗溪水鳴

其二

招提路盡更深松澗草香餘鹿麝蹤
箇裏尋源吾自慣日西隨意到中峰

曹溪

幽禽百轉日斜暉跋石攀蘿未欲歸
更指曹溪可憐處水簾千尺向人飛

次道以韻

百豕羊脂玉排成上下巖霞標回翠壁
練影裏金潭谷冷春猶雪山深晝亦嵐
東峰僧指似恰好置茅菴

溪東山平有可置屋處
居僧惠允曾以語我

送道以徐生出山

寒蘆如狗小奴孱驚我衡門盡日關
釣處魚飛明月石詩成墨灑白雲山
不妨桑下經三宿休說桃源易

再還伐木歌長相送罷林禽何更語啾啾一作

送二生夜坐有懷

二妙朝來別山齋久倚楹定為雙谷宿能憶白雲行
燈火春宵影溪流昨日聲相思欲有夢怕近漢陽城

欲有一
作豈無

其二

不有聞是喜應無判袂愁人情元爾爾世故日悠悠
滄海乘桴意蘆峰築室謀相期在事外會向聖門求

門一
作賢

敬次伯父題壁韻

茫茫往事更何言盡室當時未噫淪蕭瑟荒山一草
屋空將晚節託前人

其二

只有青山不我欺歸來相對每依依華陰花鳥知何
似兩地應同物外期

又次前冬下屬韻

乾坤日覺鳳麟稀從政于今信殆而大食草衣元我
分百年身事野人為

伯父許過臨有日而疑佇不至輒次乙亥七月
題壁韻見意

遲遲春日漸西傾
豔豔雙池只自清
花外小車殊不
至隔簾無賴數禽鳴

閏三月初六日記事

亦臥常晏起
窗白聞啼鴉
清池夜氣餘
皎鏡無纖瑕
盥濯照鬚麤
嚙漱當井華
初日之屋東
照我池上花
輕風不似昨
冉冉弱柳斜
春物固應爾
景氣鮮清嘉
何以陶茲辰
無酒也有茶
一啜讀我書
庶幾思無邪

昨日風色甚惡
今朝却清美

清泠瀨新樓書興

清泠溪上松中公太古籟
偃蓋欲到地百牛可芘蔭

霜崖下邈迤鳴王漱湍瀨
不有神仙居焉稱勝美會
我樓不百尺已出塵壙外
元龍何足道堪著安期童
關一落三池影動空翠內
景晏微風度鱗鱗穀文碎
何來兩鷄鶻弄作江湖態
一笑得詩興落筆便三昧

弄一作
作一

觀耕

菖杏春深布穀鳴
田家炊黍午煙生
年衰自覺扶犁
倦曳杖間看柳外耕

別農巖

池花未落我先歸
回首青山戀薜微
傳語草堂新燕

予重來秋社恐相違

余於每秋春秋例必入山今秋亦當來故云

入道峰

桃花三萬樹似入武陵行
流水何時有荒塗自古橫
日斜羸馬緩風暖袂衣輕
十六年前向蒼峰刮眼明
待友

洞裏仙家住白雲
桃花紅落雨紛紛
佳期悵望知何許
萬丈峰西日已曛

十五日率諸生詣廟焚香六崇兒韻

炯炯靈臺日出時
廟門松栢靜無風
名香兩竈鑪煙
裏慚愧斯文一脉通

次崇兒韻

不負今春一段奇
桃花得閩更開遲
亂紅未肯隨流水
木應符先生祀酒時

次崇兒韻

往事何須問祇林
蠻堂俯仰感彌襟
蓮花峰外孤輪
月誰會春陵去後心

次道以韻

一派閩溪瀉海東
蒼山高聳慢亭峰
春來多少迷津
客花落無言九曲中

川上夜飲得霄字共賦

春山暝色皎微霄白石傳杯坐夜遙天外款峰搖酒
綠月華先著最高標

夜飲舞雩壇行旅酬禮以空山無人水流花開
分韻得空字

嶽嶽道峰山鬱鬱神京東下有百折溪水石相玲瓏
杉松矯白雲蔭荔萋青楓昔賢所盤桓俎豆儼明宮
曠世挹遺烈感慨激懦衷我來二月暮草樹已蔥蘢
洗洗青衿子共追舞雩風閒庭老槐陰古垣飛花紅
留連三日歡夜飲清晝同揖讓用周禮朋樽殊不空
黠惡何用鼓鳴泉自絲桐物累良已遣道心穆以融

一笑顧世間野馬春濛濛獨有雲表峰不墮塵壺中
歎息謂諸子永謝利名叢

諸友將以次出山臨溪酌酒為別用唐人韻各
賦二絕

日暖春山鹿養茸煙蘿漠漠樹重重空樽臥石生藤
思徒倚溪西四五松

其二

雲如孤客戀羣游水逐歸人少緩流今夜空山子規
裏不須明月更樓頭

臨別口號

沽取村醪草塞瓶離杯緩酌暮山青知君也愛春湖
色他日相期淡上亭

黃遠伯 江樹見盆梅有感

淚殘盆中半落梅澹雲微月起徘徊齋東老樹魂先
斷應為無人索笑來 黃之幹子桂河所居書室有梅
一樹名索笑卷其死前數月梅
忽枯

過索笑菴

虛室凝塵幾許深墻陰寂寂轉春禽徘徊未忍窺
惟戶恐觸圖書淚不禁

共趙子直登漁舟子直有詩次之

桃花春浪浸危樓匝岸青山映醉眸一笑回看浮世

狹憑君莫小釣魚舟 子直以舟窄頗
不自安故云

沈監司 權挽

青松名閭邁觀津 王室榮姻代有人宦業差池猶
國器襟懷冲曠自天真北辰晚致司喉地南路新行
有脚春白馬流蘇非舊日翳桑隨處泣饑民

成川尹使君仲綱 世紀 將行投簡求別語且寄

一壺酒賦贈

宦途傾奪使人愁只有為州少暇休誰似成都新太
守夜輿扶上降仙樓

其二

欲讀離騷酒盞空江樓兀坐感秋風一壺遠餉非無
意萬事消除痛飲中

李判書美叔 考音挽

盛名稼收共嶼岫傑出雲孫是畫臣早歲河南門下
士晚年元祐籍中人秋花老圃心期獨春物玄都色
態新痛惜泉鳥埋國器時艱滿目重活巾

沈玄玉 考音挽 委在江樹不相見十數年矣懸枕碧

語臨別索詩甚勤口占一絕以贈

相看驚白髮一似隔別生江閣懸燈語秋蟲共五更

往棲水鍾寺

逃世猶嫌淺棲巖欲絕蹤水鍾非遠寺雲古自高峰
落景看歸鳥窮陰有蟄龍心知二二子候我倚門松
十五夜與諸生會坐隨意誦古詩明日各賦絕
句記之示諸生

千秋卷葉耳空多若箇能聞古樂和尙賴周詩三百
在餘音聽約聽絃歌

其二

六義分明互列陳蟲魚箋註更紛纒如何七十升堂
丙見許言詩只二人 以上二百篇

其二

一讀應須酒百杯
寒燈夜淚有餘哀
最憐山鬼幽堂
意歲暮靈脩望不來

其四

空山後夜月幽幽
萬里湘江入戶流
悔不初歌遠游
賦却從禪室惹閒愁

以上楚辭

其五

從古流傳漢一京
堪嗟作者不知名
千金一字驚心
鬼須信鍾生是善評

其六

絕調天成不易親
當時曹陸亦逡巡
何人草擬胡寬
手雜犬新豐竟未真

以上十九首

其七

白首徘徊漢鼎傍
詩篇徃徃逗心腸
千秋處仲真知
已不詠當時吐哺章

其八

碣石東臨詠壯觀
悲風蕭瑟起洪濶
也知不及三侯
盛猶著橫汾伯仲看

以上曹詩

十五夜東臺與諸生臨眺

地有前宵雪
天空此夕雲
東臺無限月
老子共公諸君

爽氣十林得清光二水分誰言寸心內可使著塵氛
夜坐有吟寄書院諸生

書卷千峰上心齋五夜中雪留虛室白火宿小鐘紅
境絕何人到形忘數子同今宵漢上院幾箇夢禪宮
敬次伯父下示韻

終古難明去就真權時處義孰得均餘生只覺深藏
是達節還須是聖人

其二

數椽茅屋白雲中夢裏歸來四壁空回首東峰舊隱
處百年心事愧斯翁

宗嫂柳孺人挽

自我一去北里久十年不醉楓溪酒楓溪往事誠可
憶楓溪老嫂有令德截髮不惜供賓筵咄嗟珍羞酒
如泉興醋落筆縱高詠側耳瓊珮中簾靜嗚呼女士
誰與比懿範遠稱河東氏我兄宿昔才絕世七襄麟
徽隨手製惜哉天不與華國盛年奇疾孰醫得鳳凰
拉香未奮翼家聲寂寞承相宅百年亭子兀太古獨
有哲婦持門戶赤木蒼杉儼階祀四時不斷三池水
老阮已矣車轍窮仲容尚有竹林風亭臺分付作主
人詞翰相邀必佳賓就中莫逆與吾歡百篇賦詩多

於山月墮參橫每不歸既醉呼酒更無疑
私今萬事不勝悲向來此樂何由追
畏途日看天地窄故里已作山河隔
東陵柳車今復出西崦楓林更蕭瑟
寒冰皎皎采藻泉積雪嚴嚴飛旒天
遙聞涕淚滿四隣早識微音在六親
會須作傳紀美實嗟吾未借劉向筆
空山俯仰將奈何但詠在昔為長歌

吳上舍啓休

玄錫

千里命駕託以兩郎其意甚

勤臨去索詩不置輒次林德涵韻以贈

戊寅

憶曾相識自林家今日重逢鬢已華
欲說悲歡廿二年事長江不盡浪淘沙

吳君與德涵交好甚密具識其平生為學本未
以余亦同契也相對數數道及歎惜不已見誦
一絕雖甚寂寥猶想見其過從留連之意益令
人興感聊賦小詩見意

逢君半是說滄浪聽誦遺篇淚更長
身後虛亭二徑在草深無復過求羊

九日與諸生攜酒登高

臥病那能負菊觴小驢扶我上高岡
森萬木知霜氣歷歷三洲見夕陽
老去尚堪供節序心期久已託
滄波不須更問明年健且較樽前興短長

其二

百尺危臺迴絕塵登臨是處作佳辰
中洲鴻鴈悲何事高冢麒麟臥
古人酒盞欲吹湖水綠鬢毛羞照菊
花新黃昏有月應須待不耐風多
感角巾

其三

水寒沙白繞亭臺懷抱尋常得自開
數子青衿書院至一壺新酒廣州來
江湖在眼兼憂樂日月依辰有
往迴勝處還憐兄弟隔停杯把菊
意悠哉

效劍南

已了吾生更不憂初成漁屋俯三洲
連村荒徑無深

轍近岸胡床替小樓棗頰頰時園屢涉
癡臍黃處酒新篇挽回泰運諸公在
退士唯為一飽謀

次劍南新涼夜坐韻

閒中歲月謾飛騰學道為名愧不曾
家蓄羊裘堪學釣人貽芒屨擬尋僧
新霜遠岸明烏柏逢夜寒沙落
癡燈他日揚州誰續誌三洲縱小也
宜增有從北
方

絕履堅
最宜山
行故云

又次東隣築舍韻

洛陽亭館競渠渠隨分江湖亦闔廬
懶設藩籬礙清曠任從人客恠
荒疎閉門臥聽三更燕扶杖行窺百

尺魚最愛東樓先得日紙窗明透助看書

九月十二曉

夜如何其雞既鳴江樓布被欲寒生夢中師友猶前
面覺後風湍又昨聲往事悠悠生百感衰懷歷歷有
孤明一杯澆下非無酒更被微病久未平是夜夢見
元翁及李

次劍南山房韻

臥起羣書每在旁葦簾終日掩閒房羸形腰帶幾分
緩老態眉毫一寸長木食未能忘弋釣水居兼欲具
林塘丈夫身計斯為泰敢望功名紀太常

又次野渡韻

臥病江湖已白頭浮榮遣盡若雲收五噫誰識梁鴻
恨九辯空悲宋玉秋水凋雲沙無弋鴈天寒野步少
爭舟短衣至胛非吾耻叩角何須怨飯牛

警天來宿朝起共次子益前日留題韻

木落森羣岫江明繞一床沙洲轉清河夜鴈每回翔
我病猶高興君來且淺觴通宵有皎月喜得話詩長

十八日即事

步下鸞碕愛水清磯頭兀坐見魚行小舟逆浪知誰
子驚起沙鴻陣不成

老石磋牙落漲痕坐來真似踞龜鼈何時長得松千尺
蔭著漁竿與酒樽

其二

暖日輕風絕似春遙岑晴碧更氤氳無人不赴名場
去對影清江獨老身

時謫京惜

詠小菊蛺蝶

一枝寒菊不成叢小蝶飛來在草中多少世人爭集
菟憐渠寂寞似衰翁

入道峰

青峰萬丈出遠識靜菴祠蕭瑟初冬候蒼茫數子期
寒流渡馬淺老菊向人垂倚杖雪壇久春游憶在茲

次崇兒韻

寒山望漸近澗道水交橫有約誰先至無人我獨行
桃源初犬吠槐市復書聲夜枕應清甚臨流閣已成
夜宿光風堂感懷

曾在壬戌年余以有司來處光風堂閔友彥
暉以升適寓東邊一小室二宿始別去講論
之樂每不能忘十七年後始復來宿此堂而
彥暉既為古人矣悵然有感詩以識之

客游際秋冬寥落意易傷山深景彌短谷虛風更涼
悠悠十七載燈火復此堂憶與閔彥暉對宿東西房
更深聞誦書側耳聲琅琅三朝討名理出入窮皇王
少年志方壯相期萬里長吾衰今已矣子死更茫茫
人生詎足恃迅速本無常嗟爾二三子努力愛景光

朝起有雪

睡起微有雪地清無復塵不妨黃菊凍轉見老松真
峰迴參危坐雲移近角巾一杯聊自煖更與落樓新
枕流堂夜坐共賦深字

微雪空山歲載陰高樓木落聽蕭森連峰爽氣無昏
曉錦石流湍自古今春服憶游三月暮夜燈如坐百
原深白雲與滅君應見休遣浮名罨素襟

其二

水樓新輟斧斤音一宿吾先試枕衾夢裏維舟在三
峽覺來聞雨集千林清歸詩字如增韻寒逼杯觴不
厭深晴曉開門又佳賞絳霞微暈最高岑

士敬贈盆梅有詩次韻以報

西山梅樹寄來新萬點花開絕倒人何似江南逢驛
使寥寥只贈一枝春

其一

詩將梅藻一般新
南阮風流自可人
雪裏白頭堪凍
臥何從窮谷得陽春

其二

子月梅花已漸漸
相逢林下可憐人
冰霜標格由來
別肯乞東皇雨露春

其四

世間何限白頭新
傾蓋梅花似故人
相守自今端可
老閉門寧逐洛陽春

甲串有感

雪裏悲歌望甲津
北風吹馬度城闌
滄流未洗英雄

恨涕淚空霏戰伐塵
今日朝廷增設險
古來天塹更
須人時平臥穩樓船
將寄語臨危莫愛身

賦梅用疎影橫斜水清淺爲韻

西山一樹梅老幹橫
扶疎珍重素心人
寄我三洲廬
的皪萬蓓蕾玉佩綴瓊
瑤碧馨香盈我室
報之欲何如

其二

宿昔慕高韻夢想大庾嶺
道途萬里心期但耿耿
何意尺土力令我踐斯境
會須三五月更照南窗影

其三

客游旬有日歸來花已盈
入門一笑舉觴爲屢傾

恍然羅浮下縞袂夜相迎枕肱臥其側莫問冬星橫

其四

耿介絕俗姿雅不宜京華不有吾廬勝安所館此花
澄江映戶牖沙嶼白鷺斜舉手試問渠何似於氏家

其五

北風吹高樓夜雪皓千里歲寒益蕭灑獨立傍雲水
玉貌踏海人清風采薇士曠世不復有嗟予無乃是

其六

仲舉歎鄒客謂不見黃生况我慚古人安可少此况
並立雖不言飲人以和清但恐零落去坐使塵慮嬰

其七

邵氏先天圖濂翁太極圈陽陰互根芽造化密移轉
宿昔玩陳編此意看猶淺歸來梅樹下邂逅天機顯

子益來宿曉起有詩次之

曉枕聞君詠詩成卽楚聲悠悠感窮臘兀兀向殘更
湍駭何時歇雞寒不已鳴心期百年濶寵辱幾人驚

梅花就謝而月始向明感而有作

西陸初弦月南枝半落梅極知他夜滿無那隔年開
心事差池却芳馨瀾漫纔山城雲水外曉角莫吹哀

臘月十五夜卽事

江月連江雪虛明共一樓殘燈從汝滅淺酌有兒酬
掩卷悲唐寧園鑑說武侯西廂歸臥處又為落梅愁
長一夜讀陸宣公論表延齡
奏一遷迤及諸葛武侯事

淮陽使君俞道叔信一臨行在顧江舍歸後又
寄詩為別語及禍故之際感激鄭重謹進步見
意

五馬東行問索居別懷聊得暫時舒白頭好去淮陽
臥痛哭休陳賈誼書楓嶽仙人應待子漢陂鴻鴈正
愁余雲山結社他時約不用臨歧更挽裾

其二

麋鹿龍鼉且共居何年地下逐龍舒深悲已歲真成
識長愧緹縈舊上書勳業青冥爭致主冰霜窮谷
孰華小感君詩語殷勤甚十日幽吟淚滿裾

大雪後子益來會共賦臯字

積雪三洲文許高江樓吟興頓生豪騎驃有客知吾
弟授簡何人笑爾曹盆樹細香吹對酒冰灘遠韻落
揮毫月明未覺坐裘冷更欲相將上釣舫

其二

汀樹風多晚更號下簾臥聽雪騷騷掃開積去微成
徑行愛飛花亂入袍暝色煙霾廣州盡清暉月上漢

跋高白頭自笑餘詩興拄杖多時立斷臯

次子益韻

江樓寂然坐相看酒冷鑪灰欲夜闌梅藥一床人共
笑月光二島雪俱寒金丹龍虎朱顏落山水牛羊道
氣殘何限此時憂樂意無琴寫出有冰灘何限一作歌取

十八夜

皎皎天中月晶晶地上雪輝光兩相得埃盞一以絕
萬象在其間何者非鮮潔寒江况虛映重以響清越
我興為罷讀出門立喘嶮冷然欲遺世獨夜興難歇
中洲吐奇氣影鬢屢興滅復茲攬變態移時未還室

子益過廣津黃氏亭有感懷二律寄示和之

詩來見說廣陵過卽事無如感慨何玉貌他年歌雲
月書樓今日逸山河虛橫釣艇江流永不見梅花雪
片多聽此令人意惆悵出門西望一悲歌

其二

時月猶生鄙吝心三年况隔夜臺深吟辨江上空衰
疾俛仰人間遂古今小閣垂帷疑尚在扁舟扣世欲
誰尋幽吟歲暮無窮意更為君詩淚不禁

除夕詠所見

島霧汀煙欲放春冰江幾處折龍鱗黃昏燈火分南

岸打鼓船船養水神

除夕次東坡簡齋劍南牧齋韻

清樽守歲弟兄違
小屋臨江煙火微
老境漸同羈客
住幾年似送故人歸
蕭條握馬吟相向
臘脯村雞鳴
不稀一笑眼前兒
女戲舊時行樂尚依依

右東坡韻

世間憂患飽曾更
雙眼何時看太平
已覺駸駸前路
近空餘耿耿此心明
青山埋骨終當朽
白雪渾頭未
用驚麤喜浮蛆
開小甕新年一醉足吾生

右簡齋韻

夜永寒樓燭灺紅樓西
徙倚復樓東
離心棗萼雲天
外淚眼松欒雪谷中
歲月飛騰真隙駟
江湖寂寞豈
真鴻男兒事業猶難了
不把文章但送窮

右劍南韻

江湖投老且偷閒
婚嫁從今欲勿關
簾閣梅花燈影
裏樽蒲兒女酒樽間
春聲枕外流水瀨
夜色樓頭隱
雪山傳語漁舟早
料理釣竿行拂漢湖灣

右牧齋韻

豐巖集卷之五

豐巖集卷之六目錄

詩

元朝有懷京洛舊事口占示兒輩

生日感懷

春帖 二首

春夜與子益及諸生共步江岸賦得船字 二首

子益送別伯父於月串城樓賦 二絕次之 三首

甲串

金陵路中 二首

子益往訪積石寺卽吾一人昔年讀書處也賦

一律示之

南門樓感懷 六首

洗心齋用池字與成進士璟同賦

次贈成進士

和成進士喜南詩

送成進士

早發江都至月串登舟次敬明韻

又賦

和敬明

至厚陵齋舍贈金寢郎用九 器五

興教寺

馬上望天聖諸峰

松部

善竹橋

花潭

朴淵 十首

又賦

大興洞

觀音窟朝起

太宗臺得仙字共賦

又得一石字

靈通寺 二首

出山

崧陽書院

渡昇天浦和崇兒

登墩臺得臺字

賦得梨花追寄洪生世泰

哭仲惠兄 五首

普門菴 二首

書贈翁然上人

還山十首

白雲寺次示清長老 二首

金顯甫 克光 來訪兩夜同宿書院次韻贈別

同諸生登上江船至判事亭

漫書

詠懷故跡贈別同甫之任海州 七首

敬次伯父在華陰寄示韻 三首

將向江都夜吟示書院諸生

往江都過宿浩然 族弟 盛大家枕畔置盆梅指

閣上韻覓題途中賦寄

江都元日五首

自江都歸家甲申舟中

天登路中

露梁三冢有感二首

冒雨向洞陰路次崇兒韻

寄宿芝洞憶同甫

又賦

雨至夜不已曉起星河皎然喜而有作

朝來風日極清美興發口占

蜂峴途中

翼日夕喜伯父至

朝起

伯父入谷雲送奎元化壁崇兒有詩和之

元化壁

示任生弘載

入白雲洞口桃坪李生寺僧勝天招待仙游潭

李生為設魚羹飯喜而賦示

曹溪和崇兒

次崇兒韻

清長老有詩若以余關雨為喜次韻答之

歸白山寺金君錫龜持酒來候
暮投邑底次崇兒韻

金水亭

蒼玉屏 二首

六月十五夕攜崇兒及院齋一坐刺小舟至判
亭亭沿洞夜深而歸

石室書院與士敬同賦聲字士敬時將赴湖邑
士敬內室挽

李兄仲深 準挽九首

農巖集卷之六

詩

元朝有懷京洛舊事口占示兒輩 已辨

京都樂事歲時偏老向兒曹為細傳處處桃符懸
墨家家窻畫換神仙朱門賓刺留三日翠勺屠蘇起
少年舊俗至今餘幾許雀羅窮巷只蕭然

生日感懷 正月初

歎息流光競逝川今朝生日復懷然星貞英國靈均
月身已淪陽太白天鑑鼎新功嗟噫毀桑蓬遠志竟
抱慙數畦祀菊殘齡計且傍先人俎豆邊

春帖

箕水淙淙忽有聲小池蒲笋欲萌生
經寒魚子能無恙已負輕冰作隊行

其一

汀沙欲動釣魚舟正月春聲已白鷗
雪罷滿簾雲古色攜書日日上東樓

其二

雪盡閒庭細草生何曾車馬款柴荆
新春獨有朋來樂日永黌堂聽誦聲

春夜與子先公諸生共步江岸賦得船字

樓外江光綠映天下簾長是坐翛然
客來問字能攜酒春早無漁且繫船
南陀暝煙深犬吠中洲孤月靜
鷗眠亭臯吟望聊今夜立壺心期會百年

其二

何來獨鶴喚江煙可但歸鴻叫遠天
槐市晚吟移斷岸錦屏遙興逗虛船
春江浩浩通千里素月亭亭偃上弦
借問君來曾幾日杖藜踏雪已前年

詞末

子益送別伯父於月串城樓歸說去留時景色
賦三絕以示次之

樓外長江燕尾分鳴，曉動遠猶聞。憑君聽話東津，別更覺離愁滿海雲。

其二

海氣沈陰苦未分，空齋愁入雨聲聞。歸舟此夕知何岸，多恐衣巾濕霧雲。

其二

一雨靡蕪長幾分，春來社宇每愁聞。葦陰歸興何由美，茅屋三年隔白雲。

甲子

天險江都府，風煙鎮海門。檣高山出樓外，潮滿到城根。

地積丁年恨，春傷甲子魂。悲歌和擊汰，似有怒蛟翻。

似一作疑

金陵路中

自江都往果川時

世事多於百草生，西來幾日復東行。金陵野潤連江浦，華嶽峰高出漢京。欲去春鴻迷道遠，羣飛海鶴喜天晴。踏青游騎知何處，老興終然在耦耕。

其二

江城騎馬見朝霞，行到金陵日未斜。雨濕海田難種麥，春寒野樹不生花。誰人北斗調元氣，游子東風款物華。小圃三洲時恐晚，閒心獨有邵平瓜。

子益往訪積石寺卽吾二人昔年讀書處也賦
一律示之

知君游興欲成悲往事山中憶下帷古寺微鐘猶自
響危臺綠蘚更深滋白頭不變恒河眼滄海重臨落
日時見說居僧皆近住祇應龕佛是相知

南門樓感懷

紫氣南門亘斗牛吾家丞相大名留山河莫說金湯
險撐拄乾坤只此樓

其二

虜馬如雲已海墘江都檢察醉猶眠誰樓火具空山

積却與忠臣取義便記一

其三

感激相隨有二生決雲同御祝融行撓搶避道收妖
殺霹靂轟天震義聲

其四

童孫不愧汪錡名義僕能成附驥榮回首一時應覩
回草間求治幾公卿

其五

往事悠悠逐逝波當時遺老問誰何樓鴉落日黃雲
暮獨對春城攬涕多

其六

俠士徒酬上客恩子長猶記魏東門此中誰勒雲根石倚薄塵尾萬古尊

洗心齋用池字與成進士璟同賦

莫以官居鬧洗心良在茲春陰滋露井夜雨滴苔池隱几寥天近扶藜遠壑疑逢君成伴宿詩興滿床帷

次贈成進士

衝星古劍氣猶寬炙轂豪談舌尚存江海扁舟淹日月風霜短褐信乾坤放生正好為梁客皇甫還須儼鴈門贈我新詩嗟歎久白頭難盡是詞源

和成進士喜雨詩

冥濛海氣接春宵佳雨聞聲遂達朝尼嶽重雲應觸石甲津新水不關潮寵光樹樹分花藥喜色村村入麥苗正憶羨陂煙景好故園東望路迢迢

嶽樹村行一作羨處

送成進士

白麓青溪少日游回頭親友半山丘壯年不見吾成子二月相逢古沁州花動西園吟喜雨水生南浦送歸舟憑君莫戀巾車興樽酒重期鎮海樓

早發江都至月串登舟次敬明韻

潮頭灩澦浸春城青翰舟輕浪不生頗似昇天當由
快暮年豪興尚崢嶸昔年侍父為江都余與子益來
因有天唐之游舟渡昇天浦

又賦

江城散初旭春纜放行舟本為尋山出還成泛海游
微茫千雉遠空濶數帆浮邂逅二峰色天晴欲把樓

和敬明

海晏輕鷗不避橈風吹春服好飄飄相看喜色浮眉
宇早有奇峰出遠霄

至厚陵齋舍贈金寢郎用九

器夏

伐木維舟處佳期間友生墻陰澹花鬼簷日聞峰聲
地以園陵肅官仍韋布清相攜復高興明發上山
行

興教寺

松柏喬山祗樹連招提鐘動五雲邊知君官興齊
郎最夜夜僧來相對眠

馬上望天聖諸峰

已去各山近其如高興何霞標萬峰競黛色數州多
隱約諸天處微茫昔日過巖泉應好在幾許長雲蘿

松都

古都三月草茸茸
樵牧行歌處處逢
搏鴨採雞空一統
飛龍舞鳳尚千峰
誰人欲住東流水
是處還凋北嶺松
愁絕永嘉詩上語
暮煙殘郭復疎鐘

善竹橋

溪水濺濺溪草綠
溪邊短碣記麗朝
至今疑有葛弘血
終古悲同豫讓橋
已判存亡隨漢鼎
寧論揖遜似虞韶
褚生不死知何益
長愧石頭城下謠

花潭

清溪發源深百折
度山阿綠滄遂成潭
白石旁瑩瑩
上有蒼石臺
床几若陳羅
聞昔徐夫子
於此舞婆娑

冥觀洞元化
真樂不奈何
風霆弄一九
金石發浩歌
既塵雖日積
靈府自天和
遂令東韓士
尚標西洛窩
睠言歌考槃
永懷碩人邁
煙林暝好鳥
雲壁蔓春蘿
點瑟雖未鼓
冠童且互哦
所愧未聞道
再來髮已皤
仰止寄何處
五冠高嵯峨

朴淵

東韓有此朴淵勝
天下應為瀑水難
可說今成三度至
須知不厭百回看

其二

勝絕羣兒叫不休
白頭吾亦欠千愁
冰霜欲奪三春

令河漢長懸萬古流

其三

噴薄千崖勢欲崩
濯來蒼土壁層層
橫颯捲沫時高起
倒落驚鼉百尺藤

其四

蒼山白雨古來飛
晝日松杉濕不晞
滿面行塵須一洗
就中誰敢惜春衣

其五

隨風映日弄翩翩
逸態奇姿不可論
試問傍人得似否
白雲飛舞下崑崙

其六

變態應須遠近看
籃輿倚樹欲歸難
清樽屢換蒼苔石
隨意西峰日半竿

其七

匹練長虹摠形似
古來此物最難詩
何人定與傳神出
除是詩家有顧癡

其八

翠壁丹崖凜鬼神
危松一一老龍鱗
相將倒影澄潭綠
何處堪容世界塵

其九

聞說潭龍自古靈
雲壇白日起雷霆
千春抱子何人見
夜夜幽吟僧只聽

其十

前攜阿弟後崔李
三十年曾再度行
試掃古松陰下石
蒼苔蝕盡舊題名

又賦

大潭濶百畝小潭深蓄黛
下上一石壁千尺無破碎
造物頗經營爲此瀑布大
飛來似無端直下復誰礙
聲殷萬峰頂勢穿九地內
鴻濛接太始雪霜雜煙靄
中有四時風不盡吹杉檜
竦倚高臺仰堊整巾帶

羣仙下北斗垂足濯清瀨
飄飄素霓旗影閃空翠外
髣髴極物類古來非一槩
徒誇壯麗容孰究竒逸態
而余幸二至於此獨深會
諒知天下絕當與香鑪對
延佇窮日力高歌答天籟
如聞龍欲出時用酒相酌
往事傳幽異恍惚迷年代
空指柳毅井豈見神女珮
棄置不足論高興且吾輩

大興洞

峨峨天磨山聖居相對起
負勢兩不下千仞競高峙
一氣所結成磅礴無表裏
巖厓錯犬牙臂肘互加倚
中開十里峽交受百泉委
噴薄鳴風雷淪漣漾文綺

雄麗自古稱時物况清美峰霞弄霄氛溪日舒暄景
卉木雖未敷徃徃見丹藥選勝舞雪同攜手弟姪以
飄飆六冠者婉孌一童子羣行無老少冥搜備歌詠
松茂蔭同金石竒坐屢徙龜潭窺靈壺馬瀑濯清泚
偉哉朴生淵勝絕無與比森凜動毛髮滌蕩快心耳
如聽舜簫韶壯觀止於此歸還臥石室燈火照隱几
徃事忽寤懷州載一彈指豈無舊僧在相看各不記
當時同游者叔也不在是况乃四比丘何處問生死
萬變如浮雲不改唯山水衰顏已白髮六藥闕金七
縱饒婚嫁畢重來詎可擬感歎遂成詩聊以示季氏

莫令兒輩覺還恐損歡喜

觀音窟朝起

暝宿翠微內白雲生臥所起來忽自驚還問此何許
不省夜來雨花上露猶滑盥濯漱巖泉梳頭聽禽語
欲歸蘿徑長聊此復延佇

太宗臺得仙字共賦

歷歷巖松雲翠邊溪南溪北坐翛然歸還欲向世間
說多恐人疑會化仙

又得石字

朝雨雖時滴未遽妨游屐箚笠借僧戴羣去踏泉石

山氣方陰澹潭光自縹碧危臺懸一松根纏老石折
攀容競高興孤迥抵百尺金余但坐觀幽巖聊自適
清源翫文漪古苔悅奇色素心久有在於焉寄冲寂
華未終歲年尚欲永日夕

靈通寺

靈通游已久但憶入山深翳翳石林色寥寥鐘鼓音
寺空彈指劫客至白頭吟繫馬長廊下前塵悵道心
其二

花氣雨來徧僧居煙裏深溪行萬蒼石樓對五青岑
蔡老記猶在翠軒詩可吟前朝那復問碑字欲生金

飛瀑聲猶在耳間仙源一宿便塵寰歸鞍花映高低
樹望眼雲遮表裏山無賴春光空自好相隨流水不
成還堪嗟白髮今如許可卜丹梯得更攀

崧陽書院

善竹橋邊已愴情崧陽廟下更沾纓春風萬里空花
發夜雨青山有蕨生百死精忠歌曲壯七分儀像畫
圖明歸然梁棟堪千古故國城池半已平

渡昇天浦和崇兒

遮莫風濤惡無如客興豪青天歌片席白雪灑春袍

一笑看鯨鱷長歌命酒醪孤槎縱失勢未害上天高
登墩臺得臺字

落日停颿望曉隈海天空濶一高臺關防也屬他時
事戍客相迎勸酒杯

賦得梨花追寄洪生世泰

梨花可憐對春去欲如何落葉吹池徧餘香人酒多
故人從此遠黃鳥爲誰過獨倚西軒久因風想棹歌
哭仲惠兄

去年木落時兄來就我別別離歲當周晤語景未耽
川塗一以濶悵恨久如結只有雙鯉書時來慰寂蔑

嗚呼不復見千古永相訣一哀向南雲泣涕零如雪

其二

楓溪丞相宅磊落忠義門族父孝承家兄又秀後昆
耿介出人操欵曲敦親恩立朝秉孤直人畏勁切言
况當鼎革初益戒消長根手裏一寸膠欲救黃河渾
激揚時則然調劑本所存世道日靡靡感慨終不諼
上天又奪速善類同傷魂風翻有餘勁惜哉不盡寫
只應修嬖節不愧文忠孫

其三

白馬垂流蘇絳綯拂靈輶萬人哭相送非復觀風游

涕淚澣甘棠炎風變颼颼慘愴舊旌榮回指拱北樓
悠悠京闕戀死去應難休誰令錦江水不入清漢流

其四

韋門花樹會謝家池草吟此道世少講風流在我金
羣從昔具邇歡讌每西林浮觴曲沼濱揮翰青楓陰
周旋衆所同切磋公獨深每於兄弟內許我為知音
十年更變故散為商與參會百雖日稀相照有素襟
素襟竟悠悠脩夜何沈沈新墳塋何許路遠吾未臨
永懷素車人有愧平生心

其五

平生首丘願臨沒更顧囑歸歎青松麓永託先人足
未命豈曾亂孝心良所篤云何竟乖違遠寄荒山谷
一臥遂無能旅魂空躑躅蒼茫錦囊術未聞前聖錄
寄語仁孝人尚思反弊俗

普門菴

落日煙波浩淼漫中流纖棹得青巒諸天忽已鬱蘿
到三島誰言采藥難太始窟深泉湛湛千人石迴月
團圓蚌胎此夜饒光氣應是高僧獨自看

其二

孤島重溟絕四隣更憐巖窟淨無塵空明未許樓輪

壺開鑿渾疑有鬼神浪裏看山是鼇背夜深聽梵只
鯨人爾來轉覺寰區隘願借繩床老此身

曾於己未余在永平白雲山下一日與伯氏騎
牛訪普門菴有僧名翕然方與其徒十數人為
精進會徹夜聞禪誦聲心欣然久而不忘今者
從伯氏于江都偶聞海中有普門菴境界勝絕
同舟來訪則翕師又適在焉二十年間邂逅再
晤於所不期之地而菴名又皆普門良可異也
師又出其所藏傳燈錄指其卷面題字示余曰
此公筆也當時蓋以此為異日符信而今果驗

矣余始惘然不省追理良久恍若夢醒自念此
生固已無四方之志而師之瓶錫隨緣初未有
係著未知他日得復邂逅於何處或能如今日
否感歎之餘聊賦一詩以贈請師試蕪去更觀
後來驗否可也

每憶騎牛過翕公夜聞禪誦白雲中忽驚絕海相逢
一舟更恍精廬舊號曰貝葉題籤如昨日楊枝在手幾
春風殘生未卜重來此瓶錫他時倘復京

還山

別山懷耿耿還山意得得還山何所樂我亦不自識

豐慶集
向來一釣舟瀟灑輕鷗側尚疑淡水綠不似白雲色
禽魚各異性難以論通塞

其二

弊廬交風雨壞漏多所傷綢繆雖未暇灑掃且不妨
僕夫走布席開戶坐我床翳然庭樹內雙池如舊光
夕飯隨暝色已聞松菊香既飽旋安眠卽此意悠長

其三

中庭數畝地手種卉木繁常恨沙土瘠難與膏壤論
今來頗慰意稍欲成林園連翹蔭半池垂柳高過門
瑞香及玫瑰躑躅並山礬一一各成長枝葉鬱以蒼

獨憐老叢菊憔悴僅有存培壅苦不早蕭艾誰見尋
亦知霜露近且復鋤其根明年好作花滿意浮我樽

其四

矯矯海松樹五鼠稱自古昔種纔尺餘今已二丈許
別來曾幾時如經十寒暑吾衰不自覺觸眼驚見汝
尚擬食其實屈指獨心語

其五

我昔鑿二池本爲荷蓴魚蕪穢久不治一半生荻蘆
清泉固有源活水不會枯戢戢蓴稍出發發魚可食
吳會何必憶眼前生五湖便作羹膾計雖早未爲迂

白頭尚清債未了種芙蓉何當滿樓香坐披瀛溪書

其六

溪行散幽步澗谷多變易崖空老樹捲潭淺崩沙積
見說去年水平地高十尺鬼神鞭蛟龍驅下萬壑窄
憑陵物何有幸未拔屋宅却喜蕩首餘無復萍蕪跡
一川何皓皓玲瓏盡白石乘除略相當未足與歎惜

其七

自我不歸山數年人事變里閭半喪亡舊人多不見
尊金最可憶墓草宿一編昨過燕谷村駐馬滯如霰
平生好心事於我特深眷躬耕氣不低痛快靡婉變

高聲撼我屋詠笑雜俚諺桑麻好商較雞豚洽歡譁
奄忽百年期事往劇飛電獨立向溪山歷歷舊游踐

其八

夜雨洗秋曠豆田露既足晨興望白雲山氣晴更肅
興至不待人一驟向幽谷巖徑豈不噉我行良已熟
洞洞龜汀水翳翳桃坪屋仙潭境彌清歇鞍坐空曲
邂逅得林僧似來伴幽獨一笑何所贈山果紅映掬

其九

逶迤上寺門日午鐘磬疎老宿苦畏客見我色敷腴
茶果勸淹留晚飯出香厨苦辭秋雨怪松蘿出未敷

卷三 集
為公勤來授奉此何區區漸愧謝山人一飽還有餘
攜歸莫笑饒此物少江湖

其十

飲餘策杖出徐步信所之一僧忽我後不命自來隨
知我愛曹溪同我躡嶽崎隔林見霜雪素石映離離
窺臨眩以驚未覺叫絕奇來往已十年所見未有茲
飛泉弄霽色小泓生文漪濯手坐巖阿揮弄碧琉璃
欲去未能起山日已西歎安得一把茅卒歲長棲遲
白雲寺次示清長老

幽與朝來入翠微寺門流水過荆扉山中老宿相看

笑問我二年始一歸

其二

度水穿林一徑微白驪隨意款僧扉秋山佳興知何
似滿把松芝贈我歸

金顯甫

克光

來訪兩夜同宿書院次韻贈別

參辰幾載各他鄉信宿焉知共此堂耿耿一心徒自
是悠悠往事撫堪傷潛龍大澤雲沙靜征鴈南天道
路長送後江樓愁獨臥夜來還恐月臨床

同諸生登上江船至判事亭

盧老詩中判事亭登臨此夕意冥冥江山寥落餘篇

翰今古蕭條一酒瓶沙白哀鴻紛近渚霜黃老樹獨
虛庭杖藜坐候歸舟晚泓下龍吟好更聽

漫書

無錢空對菊無網空羨魚萬事苦難足高臥心自如
寒江日悠悠秋色映我書晨起且一讀於此味真腹

詠懷故跡贈別同甫之任海州

首陽山色滿西州此地曾經童子游四十二年如夢
過送君今日意悠悠

其二

最憶城東廣石川虛亭暑月濯潺湲綠潭探網官僮

捷項刻銀唇到案邊廣石

其三

爭弄芙蓉上畫堂李家兄弟每相將關二十一今何
似淚落寒天憶伯祥芙蓉堂

其四

許氏亭前潭映松春游冠服幾從容至今猶憶嵌空
石入道溪中昔化龍許亭

其五

縈雲粉堞古城長老木寒藤隱上方當日題詩猶記
得高臺吹笛海茫茫城○第四節
當時詩中語也

其六

採蕨何曾東海隈誰將二子與名臺箕封終古無周
粟詎識英靈不此來二子

其七

九曲溪潭問若何長嗟少日失經過白頭更覺添通
負未續華陽老子歌石潭○尤翁所命
歌詩尚宋和成故云

敬次伯父在華陰寄示韻

華陰深處小精廬逃世真同木石居踏雪時來唯白
足梅花一席話真如問亦韻釋詩
來損伴故云

其二

雪裏江聲臥獨聞陶鑪布被養吾真寒梅開徧無相
報懷望山阿若有人

其三

聞道除書有姓名山中麋鹿亦相驚不知卷下溪流
在應見千秋洗耳情

將向江都夜吟示書院諸生

院裏青於子齋頭綠萼梅向來相藉在此去故遲回
雲海他時濶寒江永夜哀別離應更見最惜歲華催
往江都過宿浩然族弟處大家枕畔置盆梅數
萼炯然指閣上韻覓題途中賦寄

梅小憐更劇故令親臥床從君一夜宿歸路滿衣香

江都元日 庚辰

不分官醪滿甕春寥寥除夕只傷神客窗臥聽晨雞動便是平頭五十人

其二

少日猶悲北海書今來親見意何如人生五十須臾事說與兒曹莫放疎

其三

右軍書法蜀州詩舊學新功各自奇老去關心無一事唯餘遠環是吾師

其四

海國春光入去年層城華屋藹風煙白頭梳罷晨窗下坐見村童放紙鳶

其五

石室樓臺映綠漪今年正月已流澌青衿幾箇能相待悵望春天有所思

自江都歸家甲申舟中

澤國新年起早鳩歸鞍吾亦溯東風城邊野馬吹春動渡口冰澌卷海空世事天機從冉冉物情人意也融融舟移背指樓臺好花發他時問梵宮

天登路中

天登橋外野漫漫一尺春泥上馬鞍已覺衰年行役
倦况經多雨道途難盤雲獨鶴何由羨隔水三峰且
好看東望吾廬猶百里今宵應更夢漁竿

露梁二家有感

颯爽春天變雪霜蕭條古壠寄綱常玉環縱少當時
殉碧血猶徵是處藏數字荒碑唯有姓千秋朽骨尚
聞香英靈陟降知何所錦水東來接露梁

其二

登瀛人比十八士橫槩詩傳二百鷹運去捐生同志

少時來佐命爾曹能黃鵠賜器今何在玄甲成山亦
是崩爭似江臯數蓬顆經過終古有霑膺

冒雨向洞陰路次崇兒韻

莫以淡湖綠能忘雲峽清巖花歸騎映春服老身輕
黯黯天須雨悠悠我且行兒曹山水興已解薄浮榮

寄宿芝洞憶同甫

荒池古柳與清泉雞犬衡門靜夕煙峒客白鹽春雨
下使君黃綬海雲邊幽花耿耿誰相待虛室寥寥且
寄眠已識淵明歸意早何須更勒北山篇

又賦

爲問彭澤米何如商嶺芝多應倦京帶於此可忘飢
小盃花枝近新泉石髮滋春六帳望久無使寄吾詩
一雨至夜不已意甚愁寂曉起開戶星河皎然喜
而有作

簷雨夜聲絕開窗星滿天鳴雞亦已動老興遂無眠
瀾漫應春物蒼茫尚遠煙欲乘纖月去試更問前川
朝來風日極清美興發口占

平生少適願幽事獨如期晴雨看天意溪山待我詩
孤村爨煙細危石霧花歌去去中林興只應麋鹿知

蜂峴途中

入山行已深渡溪知幾十里散村戶迴霞蔚峰嶺集
細泉齧崩石多雨路更澀年衰倦鞍馬春至起幽蟄
雖非籃輿游門生遠相及孺子興過我有詩欲成什
欣然爲一笑曠懷遺快悒山林敢自傲且免受雜繫
回首冠蓋子擾擾只京邑

翼日夕喜伯父至

安穩茅齋裏歸還養病身澗蔬疑肉食林雉應雞晨
隱几遲遲日看花寂寂春此時來伯父驚喜倒衣巾
朝起

無肉食更飽無事起還早小池供盥濯踰髮山日杲

幽鳥窻下帝車馬跡如掃俛仰空宇內何以娛懷抱
門有自種柳庭生不除草羣書度高閣拙散隨所考
耕種當及時引泉浸早稻山澤固本性未敢恨枯槁
白雲自古今高臥堪送老人厭入境遠吾愛吾廬好
伯父入谷雲送至元化壁崇兒有詩和之

春興那能免幽尋此更偏作聞帝鳥惟屢惜老松頭
溪獨千回磴峰侵一握天白雲生馬首去住兩悠然

元化壁

雲門積險阻絕壁開太古兀然九州外未經神禹斧
磅礪只天成壯哉一氣聚昊穹有時傾此物可撐拄

每過欲下拜仰視誰敢侮寄命惟杉松千仞無寸土
况乃金碧潤永絕埃壘腐清湍故映帶白雲與吞吐
常懷眺增城頗疑割玄圃瓌姿詭易悉遲景忽過午
極知非人境尚欲營我宇鑿翠抗危楹引蘿葦環堵
卒歲究竒玩甘與麋鹿伍念此亦徒然三歎出澗戶
安得鬼神力遂置漢江滸

示侄生弘載

只謂春尚淺誰知花滿山君來真不後吾意欲忘還
白石題詩滑蒼藤繫馬聞東峰老仙遠紫氣悵雲間

未句意
屬伯父

入白雲洞口望見仙游潭上有數人相符乃批
李坪李生及寺僧勝天也李生為設魚羹飯風
宗佳甚喜而賦示

入谷已佳與仙潭誰我迎僧知白雲寺客定是桃坪
溪飯羹魚熟山花壞衲明他年記好事應獨數茲行

曹溪和崇兒

曳杖東溪去僧來却似期雲潭自成映風瀑巨禁吹
世亂身須隱年侵興不衰幽吟曉鐘近蘿徑得歸遲

次崇兒韻

幾年重宿贊公房風雪寒燈憶對床未有退之衣可

贈終慚何胤肉難忘疎鐘只似他時響白髮相看幾
許長清曉微吟生百感臥聞山雨滴回廊

清長老有詩若以余關雨為喜次韻答之

世外相期二老游殘年來徃儘風流白雲不盡青山
在可但蒲團半日留

杜子美贈贊上人詩與
子虛二老未徃亦風流

歸白山寺金君錫龜持酒來候

高柳花相映清池雨細來微醺山寺酒更把野人杯
萬事吾何有孤襟爾與開窪樽明日飲勝約莫違回

明日約與金君訪蒼玉
屏玉屏有窪尊故云

暮投邑底次崇兒韻

古驛輕煙處蒼峰倦馬前洞陰爲縣小地主得人賢
皂盞傾攜酒春溪借放船客盤驚異味山菜早新鮮

金水亭

春游已多日風駕更侵星馬首知何處牛頭問古亭
洞門分石扇江路接雲屏醞藉諧心賞瓌竒歎地形
觴流仍襍節柯爛卽仙烏晉日追高會秦餘訝近坳
坐隨花屢改興與境俱冥杖屨移風磴搏罍上釣舫
天陰沙更白雨氣壁潭青凌厲侵蛟窟沿洄憂鷺汀
浪春蓬海筆苔漫石峰銘人代嗟如許川流詎或停
不遑悲舊跡轉自感親丁疇昔陪先子登臨憶壯齡

秋清倚霜樹月皎臥宵櫺往事依稀夢流光廿七營
恒河觀不變孤露涕空零已識哀隨樂唯應醉不醒
行燕戀叢桂聚散信浮萍遲暮情何極長歌叩玉瓶

蒼玉屏

牛頭淵下相公村松岸維舟是廟門蒼蘚蝕題餘言
壁綠波如酒漲窪搏神傳蜀像宗臣迴屏聳閩山大
隱尊曠世心期余不隔幽棲况共一溪源

其二

丘壑巖廊道幾該風標應少漢唐來急流身已輕
鼎窮谷名猶列斗魁春暮哀鶻還哭墓天空白鶴不

歸臺祇今尚憶風雪與恨未曾隨浴詠迴拜 歸臺 寄 詩

跡

六月十五夕攜崇兒及院齋二生刺小舟至判
事亭下沿洞夜深而歸

忽爾生佳興悠然上小舟火雲空萬里明月似高秋
執熱能無濯浮杯有共酬溯沿從一棹取次盡三洲
石室書院與士敬同賦聲字士敬時將赴湖邑
江樓雨簟清把酒亂蟬鳴卽此相逢處還令別恨生
新恩五馬去老病一舟橫遮莫參商遠因風想政聲
士敬內室挽 辛巳

人生伉儷感宜無早晚異少猶諸累輕老卽前期易
較量二者間中歲最難度嗟哉吾士敬不幸罹此苦
盆歌縱自寬腹悲詎能遣關心門內事昔賢所不免
况遺未笄女重以割股兒觸事皆可傷有憂誰共之
推生以知死魂鬼應餘恫祖載逝不留環佩闕房櫳
風簷晨露滴清池芳樹映惻愴安仁句悽切蘇州詠
此境可默想挽歌涕爲出壺彝未暇收且符彤史筆

李仲深 深 挽 壬午

器宇堂堂早出羣更從師友廣知聞一時月朝徵題
品俊及中間輒數君

其二

東山高臥李先生門館當年著二甥一室同參弄丸
趣小車時趁看花行

其三

靈芝洞裏幾篇詩太極亭邊一釣絲最憶小齋連被
夜燈前歷歷話心期

其四

禮家雜服能詳究易象圖書解妙論茲事倘教君卒
業誰何黃蔡在朱門

其五

一失山顏歲月遷舊徒蕭瑟各風煙憐君更切清漳
疾志業虛拋少壯年

其六

病栢枯梅子美詩元精浩蕩古來疑誰知聳壑昂霄
質未老還為螻蟻欺

其七

悠悠薄宦素心非草草中身與世違已識浮生同電
泡堪嗟游子戴星歸

其八

脩短榮枯未要論且看身後有兒孫豈如白首西河

客死去無人哭勝猿

其九

北風丹旆遠悠揚歸觀湖天帶雪霜病臥寒郊人事
絕送君唯有九哀章

豐巖集卷之六

